

Broj: 45-1-532/25
Datum, 28.07.2025

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI/ZASTUPNIČKI DOM
PREDSJEDAVAJUĆI/PREDSJEDATELJ**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 31-07-2025			
Org. jed.	Broj	Priloga	Vrijednost

Predmet: Odgovor na zastupnička pitanja zastupnika Sanela Kajana
Veza: Vaš akt broj: 05/1-02-344/25

Poštovani,

Shodno zastupničkim pitanjima zastupnika Sanela Kajana, a koja su Javnoj ustanovi Federalna novinska agencija dostavljena aktom broj: 05/1-02-344/25 od 14.07.2025. godine, dajemo sljedeće odgovore:

1. U Javnoj ustanovi Federalna novinska agencija trenutno je zaposlen 61 radnik, od čega je u organizacionom dijelu Agencije u Mostaru zaposleno 20 radnika, dok je u Sarajevu zaposlen 41 radnik. Pored navedenog, Agencija angažuje i 13 dopisnika koji izvještavaju sa teritorija cijele Bosne i Hercegovine.
2. Agencija ne vodi evidenciju o nacionalnoj pripadnosti svojih zaposlenih. Kao javna ustanova osnovana Uredbom Vlade Federacije Bosne i Hercegovine, Agencija posluje u skladu s općim propisima o radu. Prijemi u radni odnos vrše se prema odredbama Uredbe o postupku prijema u radni odnos u javnom sektoru u Federaciji BiH, prema kojoj nacionalna pripadnost niti izjašnjavanje o istoj ne daju prednost ni jednom kandidatu. Potrebno je naznačiti da Agencija nije organ državne službe (organ uprave ili upravna organizacija) niti je u propisima koje se odnose na njeno poslovanje propisano da se osigura odgovarajuća nacionalna zastupljenost državnih službenika i zaposlenika u skladu s nacionalnom strukturom stanovništva, prema posljednjem popisu stanovništva u Bosni i Hercegovini, kako je to, primjera radi, propisano članom 7. Zakona o upravi („Službeni glasnik BiH“ br. 32/02, 102/09 i 72/17). Također, prema Zakonu o zaštiti ličnih podataka, kao **posebne kategorije** podataka podrazumijevaju se lični podaci koji otkrivaju rasno porijeklo, nacionalno ili etničko porijeklo te je obrada posebnih kategorija ličnih podataka zabranjena.
3. Posljednji konkurs za prijem radnika na radna mjesta „novinar/reporter“ i „operater multimedijalnih sadržaja“ u Mostaru okončan je 10.07.2025. godine donošenjem Odluke o neizboru, s obzirom na to da kandidati čije su prijave bile formalno ispravne nisu pokazali zadovoljavajuće znanje na pismenom testiranju i intervjuu. Žalbeni rok je trenutno u toku.
4. Posljednja 3 konkursa za radna mjesta u Mostaru:
 - **10.06.2025. godine** – za radna mjesta „novinar/reporter“ i „operater multimedijalnih sadržaja“: konkurs je okončan bez izbora
 - **06.03.2023. godine** – za radno mjesto „urednik deska“ i „koordinator rada u dijelu Odjela redakcije u Mostaru“: Dvije osobe primljene (u međuvremenu za jednu od njih je prestao radni odnos na osnovu sporazuma o prestanku radnog odnosa).

- **29.04.2022. godine** – za radno mjesto „novinar/reporter“ (2 izvršioca); Dvije osobe primljene; Nije bilo drugih kandidata s formalno ispravnim prijavama.

Prema Zakonu o zaštiti ličnih podataka, lični podaci, uključujući imena i prezimena zaposlenih i kandidata, smatraju se zaštićenim podacima. Dostava takvih podataka trećim licima je moguća samo ako postoji jasan i zakonit osnov za obradu i dostavu tih podataka ili izričita saglasnost subjekata podataka. Kako u ovom slučaju Agencija ne vodi evidenciju o nacionalnoj pripadnosti svojih zaposlenih, ne postoji osnov za dostavu imena i prezimena kandidata, niti saglasnost tih osoba, Agencija nije u mogućnosti dostaviti tražene podatke, čime se osigurava poštivanje principa zakonitosti, transparentnosti i zaštite privatnosti, u skladu sa svim važećim propisima.

S poštovanjem,

DIREKTOR

Elvir Hadžiahmetović

Dostaviti:
-Naslovu,
- a/a.